



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社



清代詩文集彙編 四六

丘邦士文集十七卷 丘維屏撰

徧行堂集四十九卷（卷一至卷二十六） 釋澹歸撰

二三一

一

戊戌陽月予從桃水移鐸梅川已亥春集邑士人肇
舉會課童子科得丘子志本卷奇之即授受必有自
越數日彭君祖冠介紹入見叩之則易堂邦士丘先
生孫也字既壽緣述先生遺書向時梓數帙未卒業
後爲興國尹損持張公案付剞劂旋以讀禮去不果
過者里中嫺族某不忍其書之不盡傳鳩同志者勸
厥事欲予一言序之予謂時藝詩古文詞體雖異而
理與氣則一天地間陰陽五行之理不運以四時之
氣陽卽不孤不克生陰卽不獨不克成木火土金水

鄧序一

之五行亦不克變變化化以通復於晝夜寒暑而不
已其用且夫日星雲漢草木山川天地之文自然而
成章者也四時之氣春夏發舒主放文章之氣之縱
如之秋冬歛藏主收文章之氣之擒如之又非縱自
縱擒自擒也以擒爲縱一春夏之氣自收而放也以
縱爲擒一秋冬之氣自放而收也論者謂文章得春
夏氣者初學亦得秋冬氣者宿學亦棄嗚呼此第
論文之售不售不論文之傳不傳矣可傳之文必脩
四時之氣以運一貫之理歐陽廬陵曰言之無文行

而不遠又曰道勝者文不難而自至至之云者云造
其極也而極根於道道不外乎易言數之書也數
不離五陽奇而三陰耦而二二與三合而數則五有
數卽有理有理卽有氣推之而五常而五倫而五味
而五聲而五色無一不寓五行之理涵四時之氣爲
文者果其神明易數以研窮其理而氣流蕩于中有
不常可則倫可法其味彌暢其色彌輝也乎先生精
易者康節後易數失傳久矣先生於易數饒夙慧從
通交乘積大意指能取縱橫勾股矩弦諸數法繪圖

鄧序二

分合作三數通說增益其所未罄而于六十四卦之
數引而伸觸類而長者布算推衍逮於不可紀而紀
之無毫髮爽焉是康節加一倍法惟先生續其傳更
恢其傳於千載下矣桐城方公以智以神人稱焉予
閱先生全集中匪特玄空五行義涵天髓解紫微斗
數解京房卦氣考諸篇洩大易之秘他如壽元仲詩
說而康占數序之類悉以易數之理按卦氣相爲摩
盪俾人罔迹其端倪蓋誠見上下古今世道之循環
國運之更遷天時人事之消息盈虛得失進退要皆

準定數定理以爲衡觸處而無非易夫潔淨精微易教也先生仰觀天俯察地探索蹟隱鈎致深遠以春夏氣之放爲縱以秋冬氣之收爲擒擒縱相生研入理窟與折出之以自成一家故其文之潔淨精微亦如易且先生之易不僅在文聞之旣溥曰先生生平憂勤惕勵朝夕弗遑也是乾之自強不息震之恐懼修省也早牧退遜冲平若谷也是謙之稱物平施咸之以虛受人也樹德務滋除惡務盡也是損之懲忿窒慾益之遷善改過也聲律身度言表行坊也是履

鄧序三

之非禮弗履家人之有物有恒也疎戚有等好惡必嚴也是同人之類族辨物大有之過惡揚善也爲人師不倦於誨與人交必竭其忠是臨之教思無窮兌之朋友講習也予學易嘗殫精畢慮數十年輯成會歸一書以行世究於易數未獲盡窺其津涯倘先生在于當北面先生矣昔蘓老泉文以孟子爲尚先生之於經義更尚論語觀其批點論語白文若干篇示予昭衡伯仲則爲文取則又出老泉右宜昭衡之文理與氣之擒縱變化具先生遺風也旣溥孳孳皇皇

懼不傳其祖之文不可爲孫復懼不傳其父之文不可爲子雖然玉韞石珠藏淵光氣燭天詎終掩耶今旣溥祖之文傳矣行將父之文亦與俱傳予爲巢旣溥以祖若父之文爲文也尤以祖若父之治易者治易也旣溥父昭衡名成和伯氏成鎬甫公酉年十七有文名先先生卒其所稱彭君祖冠者與旣溥爲世好先生易堂友躬庵彭先生孫也因序先生集并及之康熙己亥夾鍾月之上幹日昭溥鄧齊頓首撰序

鄧序四

丘慢庵先生迹跡河東達頭野服人以爲深谷田更其先世僉憲公所遺舊廬卑隘僅容膝先生日歌吟松下松皆數百年物礫何盤鬱若層雲覆其上過者指此中當必有人時易堂聲聞遠播四方名流至者既登翠微三巘冠石必造河東楊子雲謂鄭子真深居巖石之下名震於京師不其然歟予少從事勺庭魏先生而先生與咸齋李先生亦各聚徒講業人競稱三節彭躬菴先生作三節教式敘論啟迪化導之方闢世道人心甚鉅時諸前輩年方盛壯以道義相

楊序一

摩切文章氣節卓然思匹古人朝夕講論糾過攻惡或至痛哭詈罵先生獨靜默若未嘗身與其間而中情之契實無有異其一時風概不可再見予雖尊事勺庭竊喜學無常師藉以擴其聞見不少諸前輩間出其所爲文人莫不俯首推服或未經先生論定輒不敢自信然則吾寧都古學見重于天下其相成又必有所自人固不得而盡知也先生姿乘殊絕學無不通貫其振筆絕塵超遙冥悟淵然蒼然者爲幽光異采故繪繡之華非雲霞之麗也園亭水石之幽

非洞天靈境之宵渺也引商刻羽之奏非九霄鸞鳳之鳴也讀先生之文而取世之女士所尚者以相衡豈有當哉先生研精易學其推演理數非經生所解嘗與高僧本公論至屢日夜相得在語言之外翟韓城遠寓書幣聘先生講易韓城悖才傲物獨于先生降心尊禮若弟子之奉其師先生雅不求人知詩文脫稿後多散佚草亭彭先生每手錄藏之先生沒三十餘年人皆願見其遺書不可得先生之子成和文學能嗣其聲惜其早世今族戚協謀計工任費先生

楊序二

文集公諸當世于是文孫志本更欲得余一言予逡巡不敢記前此四十年偶作遠行序諸前輩適集草亭遍閱獎賞先生笑曰文自佳然有意求異亦一病予爽然自失者久之嗟嗟前輩凋謝已盡其所蘊蓄不獲一措諸世僅傳述其空言非當日自命之志然世遠風微猶得從文字內一想見其所學與其居處與其笑語則劉總所云百齡影徂千載心在者是烏能已哉是烏能已哉同里後學楊龍泉拜序

序

余幼攻制舉義未嘗習爲古文辭道籍後稍知肆力講求顧固陋舛鄙無由窺作者藩籬譬之輪人不能造弓巧人不能操斧斤以斲櫨榱也余嘗聞之文章一小技於道未爲尊然六經載道之文也自周秦而下若漢魏三唐以迄于宋金元明諸大家未有不本經而出者而槩以小技目之夫亦達乎道矣余族祖邦士先生以文章爲道者也先生少補博士弟子員試輒冠其曹自定門後遂棄諸生服與易堂諸君子隱居翠微山中研精古學諸君子奉爲宗匠其先世同家河東有老屋數楹藏書數千卷紙窻土壁燦燁燁壁榻先生上下千古嘯歌自得故其發爲文詞選選醞釀鬱積湛深根抵而氣體渾脫絕去前人章句蹊徑崛然自成一子備極文章之變態謂非神明變化於道者與猶意余同年儲中子李巨來二太史嘗屬余購求先生遺集思欲亟爲表章會牽率未果今同里諸子哀貲剞劂集既成先生冢孫志本丐余一言弁其端余文旣不工而聞道不早何足以序先生之

果雖然詩有之豈無他人不如我同姓而余小子得挂微名於編簡豈非幸哉豈非幸哉康熙五十八年歲在屠維大淵獻族孫尚志謹序

書後

明季吾寧以古學相尚不下數十家惟易堂諸先輩爲最著而丘先生又易堂諸先輩所共推服者先生遭變亂棄諸生而終老河東所爲詩文絕無憤鬱不平之意震川論淵明有曰陶子之集平淡冲和蕭灑脫落悠然勢分之外非獨不困于窮而直以窮爲娛百世之下諷詠其詞融融然靡渣俗垢與之俱化斯言也吾謂先生足以當之生平讀書多玄解于易學得數百年不傳之秘同時惟方公以習翟公世祺能

溫書後一

知其所得著有易經勦說三軌通二書不得梓行要惟俟之其人先生抱道潛修絕意聲華吏茲土者如周公令樹宋公必達皆折節造廬終未嘗與相見所作古文詞多不自惜往往并稿爲人持去存者不過十之三四家貧不能梓以公之世往往諸名家集流傳四方兄先生所評論靡不擊節把玩天下聞其名而恨不見其文匪朝伊夕歐陽子所云珠潛泥玉潛璞不與蜃蛤珉石混而棄者非其先膺美澤之氣粹然特見于外也耶採少從事昭衡師爲先生之仲嗣

深得先生古學之傳嘗爲予解說先生之文採謂本有用之實學而發爲不磨之名言每一展誦深厚之氣淡永之味沁人心脾竊願久侍左右專精竭力庶幾窺先生之萬一不意吾師倏然謝世採用是無所師承迄無成就師家嗣志本篤意家學毋以先生之文未行于世輒爲愴然邑之同志者亦以是集未梓爲吾寧之闕典羣相與捐囊以襄其費必且謂是集之出海內識者知易堂不虛天下之望而先生不虛易堂之望也固已久矣門孫溫採百拜書

溫書後二

書後

憶歲已未先君子聘請邗士先生至山中爲兩兄師
余時尚童稚不敢附櫬櫬之列惟日從兩兄侍先生
左右間得聞所未聞而先生以是年得病秋遂以絕
人世矣竊念先生生平道義文章爲一代儒宗感時
輶躅天下之人思欲一入其門登其堂不可得余乃
自童子時已得近先生杖屨一何幸也先生之子成
和與余年相若其聰穎頗肖先生故先生啟迪成和
反覆不倦余亦得一二于成和趙處之末僅數月中

曾書後一

輒敬絕則與予之不幸嗣是每與成和追維訓言及
觀其遺書雖不敢謂能知之然蠡測管窺未嘗不在
天與海之內昌黎韓子謂仲尼之道大而能博群弟
子不能徧觀而盡識也故學焉而皆得其性之所近
余謂先生之文亦然蓋先生之文無微不至無大不
涵駁觀之而若連力索之而思返深入于其間而終
不得其涯涘故或指爲奇或稱爲奧或謂爲純爲正
爲渾雄爲曠渺幽深其于古也爲左爲國爲莊驥諸
子爲西漢爲唐宋大家皆可得先生之似要莫如嘉

定侯公評先生之文曰時若放而不收時若淡而無
味其放也寔密其淡也寔蓄皆在山巖巖在水湯湯意
于文心其在琴際此雖侯公專論先生試藝不過一
日之知遇吾謂其足以蔽先生畢生所爲文非侯公
不能爲此言也先生當國變棄博士業集司志講易
由是易堂之名徧天下人皆誦習其文而不知實自
先生啟之也先生精于易理起從來學者之上惟自
述得桐城方公以智之書而益進然方公固嘗推服
先生爲天授非揣摩擬議所能及則先生之文固自
有獨得之妙矣成和既編定先生文凡若干卷將以
梓行于世乙未冬而成和棄世遂不果今先生孫志
本能不墜其祖父之學每拳拳于懷恐先生之文終
湮沒而不傳爰得諸同宗親友各捐已貲梓先生文
余亦得附其末先生文既梓而行于世當必有能真
知先生之文者也余小子復何知焉歲己亥孟秋朔
後學曾儒書

曾書後二

傳

丘維屏字邦士寧都河東人禧之姊之婿也祖一鵬萬曆丙子舉人官至湖廣按察司僉事以廉聞天下父如泰直諒好學先徵君與爲至交故特以吾姊字邦士也或謂丘生貧甚君女不思噉飯處乎徵君日在我耳分僮婢田宅錢財嫁之而邦士性不事生產內外皆倚辦吾姊嘗絕炊姊屬邦士借米鄰家久不至使人囑之則袖手立墻塋上看往來行人姊別嘗米炊既熟使人請邦士食邦士食竟亦終無一言也

遷傳十

爲人高簡率穆讀書多玄悟生平最得意所自作時文謂包籠三百年先輩大家之長而別出機軸然其所作古文乃獨爲吾黨所推司馬子長歐陽永叔而下庶幾焉性靜嘿與人對數日不發一言不識者以爲村老嘗不與拱揖有問之者日夜言娓娓不倦爭辯事理輒高聲氣涌面發赤頰下筋暴起如箸嘗與予爭辯時文體制盡善及繼統者必爲之子至座中人皆罷酒聲震山谷舡睡者悉驚寤不爲止廉於財非其義一介不取也志意慷慨若揮擲千金不介

意者與人必誠直視達官貴人與田父牧子無異所

居室如斗大牀竈雞彘雜陳衣破敝不能易然人嘗迎致精舍居之衣以裘紬直著不辭益視之與陋室敝衣等云晚尤精泰西算易數曆法皆不假師授冥思力索而得之桐城方公以智以僧服來易堂嘗與邦士布算退而謂人曰此神人也青州翟君以翰林院出知韓城傲僻苛暴獨禮迎邦士講易數邦士著易數書偶乏紙卽用牌票紙背書之翟君悉以錦軸裝潢其草稿敬事如師禮而暴亦爲少霽青州宰相

遷傳二

欲邀一見邦士卒不見也所著易勦說易數曆書高三尺許皆垂成未竟他時文雜古文各百數十篇邦士爲文深思窮力一字不輕下嘗數月數日不成篇旣脫稿隨手散漫或爲鼠啣去或人傳覽相失亦不自惜也予嘗謂易堂諸子曰邦士和而介介今之柳下惠也其不恭亦絕似之又曰吾輩立意爲世所不可少人邦士自然爲世所不可及人諸子以爲定論邦士年二十三補弟子員第一督學使公峒曾奇賞其文再試皆第一餼甲申後棄諸生服同諸子隱翠微

山中時人高之謂邦士棄貢士矣易堂彭士望曰丘
邦士乃棄會元邦士年六十餘尚健嘗自河東一口
往還翠微山敎授弟子手批口講日夜不輟業已未
九月病噎不食死年六十六先是淮海閻氏以椿蘭
一疋將書求爲其妻銘墓未作也死之先日邦士命
家人取蘭出日以付冰叔還淮安閻氏時予方就醫
泰和未歸

魏禧

魏禧曰邦士易堂之一禧少蓋從邦士學古文也廣
東陳恭尹爲彭士望言吾游羅浮經絕壁人力所不

到處仰視有邦士二字橫勒丹壁蓋不得其解云同

堂內第魏禧拜撰

丘邦士先生文集目錄

男成和昭衡編次 孫志本

卷之一

自序

示兒雜文序一

示兒雜文序二

示兒今文序

卷之二

雜著

上邪二文集

目錄一

玄空五行解

紫微斗數五行日局解

滴天髓論已土解

京房卦氣考

附卦氣按周易次序各目通例

河南郡丘氏居寧都縣靈溪分派總考

禪月考

卷之三

說

壽李元仲詩說

敏齋說

正統圖說

溫伯芳二子字說

評劇秦策新文

論壽甘樸齋五十文

批魏冰叔書歐公論狄青劄子後

別氏莊之鵲

愚學說贈楊亮宣

卷之四

丘邦士文集

目錄二

論疏

賣融論上

賣融論下

分野論代

地輿論代

田賦論代

食鹽論代

金樓峯乞莊嚴禪剎疏代

卷之五

書啟

爲玄德畫像徐州策書

易堂致宋未有書

與曾君有書

與甘樸齋豫論謝先生母喪禮書

詢客書

與魏冰叔書

與李咸齋書

與同學兄弟敬

丘邦士文集

目錄三

答羅千一

卷之六

序

家禮酌宜序

南豐市山丘氏族諸序

授何玄升文選序

古文玄要編序

仲兄大師經義序

蔡公防河奏疏後序

清代詩文集彙編

馮天新語序

魏石牀詩序

魏冰叔四書義序

魏冰叔集序

花舫雜咏序

兵學鈔序

卷之七

序

中渡募木橋序

王邦七文集

目錄四

募東門永渡橋序

賢溪重修聖廟後序

代

十太公分產兩孫序

而康占數序

陰陽官贊序

仲萬易名字序

蓮塘別號序

卷之八

序

逸漢陽李雲田歸徙家吳中序

序詩送任氏二子省墓九江

送鄒九侯自翠微還歸序

送曾省之遊談星命序

甘棧齋再至冠石序

代

卷之九

序

余先生六十序

代

黃黃山七十壽序

王邦二文集

目錄五

壽族長養粹公七十有一序

代

廣州何母壽序

壽南豐謝母七十序

蔡宜彞妻溫碩人五十有一序

謝節婦七十一壽序

壽李官玉先生詩序

卷之十

引

桃源說小引

浮藍渡募每歲抄度渡船

淨土庵募修理費引

乞橋引

廣放生會引

募修兩菩薩象引

爲賴君求助引

募化慈濟庵前閣亭引

卷之十一

記

丘邦士文集

目錄六

軍山廟記

浮藍渡永贍橋田碑記

贛州府經歷署寧都縣事李君善政記

浴仙湖書屋記

荷全居記

茅鹿門五代史抄記

卷之十二

跋書後題賦四六

木立師六十壽卷跋

丘邦士文集

書黃維統進士五十序紙尾

曹槐司馬仲達書後語

書溫伯芳與黃金域書後

題畫山水冊

侯宗師試馬射賦

請西山誥語和尚上蓮山啟

卷之十三

墓誌銘 墓誌 墓碑

汜水縣知縣胡公墓誌銘

丘邦士文集

目錄七

楊先生墓誌銘

明李徵君正配王孺人墓誌

羅母曾氏墓碑

君定甫墓碑

繼配丘母劉氏碩人墓碑

丘翁媿墓銘

文學曾麗天碑誌

曾玄蔭墓碑

丘母陳氏偕媳賴氏墓碑

卷之十四

碑誌 碑銘 墓表 墓碑

爲楊表微自作墓碑誌

禮部儀制司主事黃君墓碑銘代

甘捷齋婦趙氏墓碑銘

文學羅嘯雲君偕正配蔡太母墓碑銘代

盧行兼墓表

亡兒成鎬墓碣

溫引年墓碑銘并序

丘邦二文集

目錄

溫諧惠墓碑銘

揭泰階夫婦墓碣

丘士平文學墓碑銘

卷之十五

傳 事畧 述事

江夏公傳

兵部右侍郎曾公家傳

天氏傳

亡友溫應搏傳

鄉賢祠祀湖廣按察司僉事公諱一鵬事畧

竹山縣令楊公傳

別駕楊公傳

述趙希乾事

卷之十六

甲祭文

弔扁鵲二兄文有序

易堂祭黃簡玄先生文有序

易堂祭彭天若文

丘邦士文集

目錄

諸友祭彭天若文

易堂祭封禹成文

易堂祭吳秉季文

祭楊夢圖文

祭李少賤文

易堂祭林用霖文

同衆祭魏善伯父子文

代魏善伯婦曾子芻祭善伯父子文

祭南豐謝友伯母文

卷之十七

詩俱用正韵

瀟湘入景圖分賦得烟寺晚鐘即韵送曾青

黎之南都

再賦得遠浦歸帆圖爲別

贈何生

將赴嶺擬泊舟璜溪

弔鍾穀城司李

題魏石林爲方山子作盤谷圖

丘邦士文集

目錄十

重發赴嶺夜雨泊松湖壩

李侍郎灌瓦硯

集曾青黎宅夜飲即席解睡諸友呼起分韵

得芝字卒賦書不成字更飲達旦

避亂翠微峯作

植松草堂題贈主人

贈彭茗柯

宋未有寄示節孝黃婦傳

贈張曲江

過六松草堂觀曾青黎課耕郎事賦贈

鞭牛

僧靜菴見過有贈

設興

贈謝秋水

壽吳城楊太公

三獻峯送曾省之次李力負韵

壽楊一水先生

應陳潮州六十索歌

丘邦士文集

目錄十一

恨詩

勞婦篇

寡女歎

代曾兄挽蔡忠襄公

壽陳職方

慢廬老婦五十有一詩并述

五十有一誕日題壁之句

虔州遠熊養及

耳聾

送曾青黎之江寧尋令兄庭閒并簡

壽謝秋水五十詩

亡兒忌日哀詩

雪後舟過蔣山望拜 孝陵

問醫

宿水北集擬明日登秦嶽

宿東明縣經黃河故道

自河津西渡觀龍門山

拜蕪子卿墓

王郭七文集

目錄三

送人登華

過潼關有感

門人楊直尹尊君六十壽

寄壽熊養及尊公見可先生

李元仲七十壽

豔異祠

樹畝生子

贈許氏甥

癸丑送曾青黎入會城兼懷彭躬庵林確齋

甲寅春正月傳南豐湯太毋百歲即次歌奉

寄祝

贈彭靜生兼懷令兄躬庵

贈張將軍 本姓范

同諸子登陽山峯頂欲眺和彭仲閣韻

山月

卷之十八

雜劇 侯刻

黃池三段夢

王郭七文集

目錄三